



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns sùlla prùma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>
Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Nouv adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Sent Turissem fin adüna il marcurdi. Ils avis vegnan plazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent

Ingüna reservaziun da plazzas - la chascha es averta ün'ura avant il concert

sonda, 26 december 2020, 17 h CHF 25.-

LA VIOLA ROMANTICA – MELODIAS

Cul Kilian Duo

Las duos sours Angela e Roswitha Kilian fan insembel musica daspö blers ons. Ellas sunan la viola ed il clavazin.

Pel concert dal Firà da Nadal strasunan ils sains "die erlebten Glocken" da Bohuslav Martinu. I saran eir da dudir profuondas melodias da Brahms ed üna sonata tampriva per viola dal cumponist grischun Paul Juon.

mardi, 29 december 2020, 17 h, CHF 25.-

PER LA FIN DA L'ON, IL QUINTET DA STRICHADERS DA SCHUBERT

I suna il cuntschaintischem **Ensemble BAR 1** cun musicists e musicistas da chombra da renom internaziunal.

Laia Valentin Braun, Sophia Herbig, violina, Tim Erik Winzer, viola, Ursina Maria Braun, Nepomuk Braun, cello

**dumengia, 3 schner 2021, 17 h, CH 25.-
CONCERT DA BÜMAN CLASSIC/POPULAR
CUN JANETTS, SAROTTS E GAUDENZ**

5 Engiadinais preschaintan ün püschel festiv cun musica populara, sots da l'Argentina e musica classica improvisada.

Cristina, cello e seis bap Curdin Janett, orgel da man, Janic, percussiun e sia sour Flurina Sarott, violina, Aita Gaudenz, clavazin

GROTTA DA CULTURA – prosmas occurrenz

infuormaziuns detagliadas i'l Allegra e suot <http://www.grottadacultura.ch>

Grotta Schigliana

galleria e bar-café / Gallerie und Bar-Café

avert/offen

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziuns:

fin als 12 schner 2021:

Ursina Ganzoni, purtrets e sculpturas

Occurrenz / Veranstaltungen

Aufgrund der gegenwärtigen Situation ist das Programm provisorisch. Aktuelle Informationen entnehmen Sie bitte der webpage, www.grottadacultura.ch, oder den Plakaten. Aufgrund der engen Platzverhältnisse ist die Sitzzahl beschränkt und Reservation* wird empfohlen. Wir bitten Sie, Abstände so gut wie möglich einzuhalten und Hygienemasken zu tragen. Masken stehen zur Verfügung.

27-12-2020 dumengia/Sonntag 11.00 Centrala, Eingang Kindergarten, collecta*

Philosophische Matinée mit Dr. Martin Pernet

Leben in schwierigen Zeiten

*Reservaziun/Reservation:

unicamaing/ausschliesslich am Vortag, von 17:00 bis 19:00 079 439 89 22

PER NOSSAS SENIORAS – PER NOSS SENIORS

Pervi dal „Covid-19“ nun han lö per intant ingünas occurrenz.

Id es annullà tant il bazar ed il gantar pels seniors da la società da duonnas sco eir il davomezdi pels seniors da la Pro Senectute previs pels prüms december. Lura esa clomà gio la gimnastica per las duonnas, chi'd es uschigliö il lündeschdi, a las 14.00 in Chasa Misocho.

Sch'inchün vess jent alch chi füss gnü offri al bazar da la società da duonnas, dess s'annunchar pro la presidenta Dorathea Stupan, tel. 081 864 04 75.

Nus giavüschain adonta da la situaziun insolita ün paschaivel temp d'Advent e restai frischs!

La società da duonnas / La Pro Senectute / La Corporaziun Evangelica

FANESTRAS D'ADVENT A SENT


Eir quist on daja darcheu las fanestras d'Advent.

It a verer e giodai la bellas fanestras decoradas ed inglüminadas! Pro quellas fanestras chi sun marcadadas cun "avert" daja amo üna surpraisa – adattada a las reglas da corona actuala.

Illa glista agiunta as vezza ils detagls. Grazcha fichun a tuots per la buna e bella lavur.

Gianna Rauch Poo

FANESTRAS D'ADVENT 1. – 24 DECEMBER 2020



1	Milla Nogler
2	Cuafför Allegria Nadja
3	Bacharia Zanetti, Sabina
4	Marianne Werro, avert 18h
5	Ruben Bodenbeläge, Susanne
6	Sgabuz, avert 17 fin 18.30h
7	il Pierstan : Christina, Genni e Monika
8	Andrea Benderer

9	Sidonia Janett
10	Fina Zanetti
11	Madlaina Franziscus
12	Gianna Rauch Poo
13	Nienke Ebben
14	Ursina Margadant, Platz 42
15	Nataglia Roner-Caviezel
16	Furnaria Clalüna, avert 17h

17	Scola Sent 3. e 4. classa
18	Jane Grob
19	Martina Vital, avert 17h
20	Michael Wagner, avert 17h
21	Heidi e Lidia Laurent / Domenig
22	Sabine Kaufmann Staub
23	CurtinA, Tina Puorger
24	Alice Vollenweider



Nadal da scoula 2020

Stimada populaziun

La situaziun actuala cul coronavirus ans sforza quist on da strichar il Nadal da scoula in baselgia la saira dals 24 da december.

Il stadi ans scumonda occurrenzas publicas cun daplü da 50 persunas e l'uffizi chantunal da scoula scriva in si'ultim'infuormaziun dals 6 da november cha sün chant in ün coro as dessa desister pel mumaint in scoula.

Quellas duos restricziuns ans lian ils mans e nu'ns laschan organisar e realisar quist on il Nadal da scoula in baselgia cul chant dals uffants sco üsità.

Las persunas d'instrucziun organiseschon quist on als 22 da december (ultim di da scoula) ün Nadal da scoula in ün rom plü pitschen be cull'aigna classa e sainza genituors.

I'ns displascha ourdvarit cha no eschan sforzats da trar quistas masüras per quist on, ma no'ns allegrain però fingià uossa sün ün Nadal da scoula regular dal 2021.

Cordials salüds

La scoula da Sent